

諭

旨

庚戌六月

六月初一日內閣奉

上諭袁樹勛奏江甯提學使陳伯陶呈請開缺在籍養親

據情代奏一摺江甯提學使陳伯陶著准其開缺欽此

同日奉

上諭江甯提學使著勞乃宣補授欽此

六月初三日內閣奉

上諭直隸承德府遺缺知府員缺著麟祐補授欽此

六月初五日內閣奉

上諭總司稽察守衛事宜阿穆爾靈圭等奏守衛官兵當

差疎懈據實糾參一摺禁門重地守衛宜嚴屢經誥誠

不啻三令五申乃本月初三日竟有侍衛處筆帖式海

祥擅入蒼震門該班官兵毫無覺察實屬異常玩忽該

軍統領恆春著交部嚴加議處景運門司鑰長恩隆著

一併交部議處值班大臣正紅旗護軍統領誠全督率

無方亦難辭咎著交部議處餘依議該衙門知道欽此

同日奉

上諭吉林西南路道員缺著顏世清補授欽此 同日奉

旨正白旗蒙古副都統王英楷因病奏請開缺一摺王英

楷著准其開缺欽此

六月初六日內閣奉

上諭前因宮禁守衛日漸疏懈屢經嚴申誥誠並諭令稽

察守衛大臣詳定專章切實整頓該值班官兵應如何

恪守定章始終罔懈乃奉行未久又復視為具文竟至

有人擅入內廷重地殊屬不成事體昨已有旨將失察

之官兵分別懲處嗣後著責成前鋒護軍各統領總管

內務府大臣嚴飭該班官兵懷遵疊次諭旨及奏定章

程認真巡查不准絲毫疏懈自此次申諭後倘再仍前

玩忽定即從重懲處決不姑寬並著稽察守衛王大臣

加意稽察遇有官兵曠誤情事破除情面隨時據實糾

參勿稍瞻徇以昭嚴肅欽此 同日奉

諭 旨

八十七

庚戌

諭旨

八十八

七月

旨正白旗蒙古副都統著靈熙補授欽此

六月初七日內閣奉

上諭七月初一日孟秋時享 太廟遣懋林恭代行禮

後殿派魁斌行禮東廡西廡派希璋榮堃各分獻欽此

同日奉

上諭伊犁將軍廣福奏藩王營私藐法請旨懲辦一摺據

稱舊土爾扈特東部落郡王帕勒塔函致署伊犁府知

府賀家棟欲以官權壓買羊隻又稱擬將貝子德恩沁

阿拉什劣蹟糾參指稱交伊犁將軍查辦革去此人之

爵將來覆奏能否辦到若由將軍自行嚴劾更佳等語

帕勒塔身列藩封在京當差應如何謹慎奉公深知自

愛乃擅致信函挾私請託實屬不安本分帕勒塔著交

理藩部議處以示懲儆欽此

六月初八日內閣奉

上諭鑲藍旗滿洲副都統塔克什訥由繙譯生員總理衙

門八品官隨使各國曾著勞績擢升副都統歷充各差

均能勤職茲聞溘逝軫惜殊深加恩著照副都統例賜

卹任內一切處分悉予開復應得卹典該衙門察例具

奏欽此 同日奉

旨文璞著調補鑲藍旗滿洲副都統所遺鑲藍旗漢軍副

都統著奎煥補授欽此 同日奉

旨著派那彥圖管理圓明園八旗包衣三旗官兵並鳥槍

營事務欽此

六月初九日內閣奉

上諭本日軍諮處陸軍部帶領引見之軍官學堂第二班

速成科考列上中等畢業學員張安邦姚任支吳中英

趙瑞龍余鵬舉張培勳奚宗唐賈文祥畢化東吳德振

楊紹曾杜持王承斌楚疇郭連峯均著授為步隊正軍

校方本仁張仲鼎王冠勳均著授為馬隊正軍校孫岳

謝紹安均著授為礮隊正軍校吳兆鰲文藻蘭芳均著

授為工程隊正軍校程夔著授為輜重隊正軍校金鴻

恩徐鎮坤寶恆李正溶唐國諱王永清胡驪龍李景泌

雙斌馬鳳亭斌啟均著授為步隊副軍校王金山瑞印均著授為馬隊副軍校陳寶琮徐森劉廷森均著授為礮隊副軍校其已補步隊副軍校之訥欽泰王獻廷胡雲程王都慶李濟臣胡國棟成居敬馬隊副軍校穆文善馬興邦孟廣潤礮隊副軍校董玉銘桂成輜重隊副軍校欒汝霖均著賞加五品銜欽此

六月初十日內閣奉

上諭周樹模電奏江省本年入夏以來陰雨過多至五月下旬連日大雨各處江河暴漲汎濫為災愛理坤河水發屯居被淹雨雹寸餘禾苗傷損嫩江龍江地畝亦多淹漫秋收失望大寶廳屬塔子城地方積雨生蟲食禾殆盡等語江省連年歉收茲復被水被蟲田廬浸沒蕩析堪虞覽奏殊深憫惻加恩著賞給帑銀二萬兩由度支部發給該撫派委員前往災區切實散放毋任失所用副朝廷軫念災黎之至意餘著照所請該部知道欽此

諭旨

六月十二日內閣奉

上諭江西贛州府知府員缺緊要著該撫於通省知府內揀員調補所遺員缺著楊熊祥補授欽此

六月十三日奉

旨正白旗護軍統領印鑰著英信暫行佩帶欽此

六月十四日內閣奉

上諭所有新定宗室覺羅訴訟章程著俟新定法律實行及將來皇室大典並民刑訴訟法頒布後再行會同奏明實行現在宗室覺羅訴訟一切事宜著暫行仍照向章辦理毋庸按照新章更改該衙門知道欽此 同日

奉

旨正黃旗滿洲帶領引見之記名二等侍衛三等侍衛松年著賞給二等侍衛陸軍部補用郎中松蒼著仍以郎中儘先補用欽此

六月十六日內閣奉

上諭鑲白旗漢軍副都統馮國璋現在百日孝滿著改為

八十九

庚戌

諭旨

署任照常當差欽此

六月十七日奉

旨此次考取各省拔貢著於本月二十六二十七在保

和殿覆試欽此 同日奉

旨恩存現在穿孝其所管鑲紅旗漢軍都統著載瀛署理

欽此

六月十八日內閣奉

上諭籌辦海軍事務大臣貝勒載洵著充參預政務大臣

欽此 同日奉

上諭馮汝駮奏考察屬員賢否分別舉劾一摺江西饒州

府知府王祖同南安府同知請調廣信府同知明良署

萍鄉縣瀘溪縣知縣楊焜代理萬載縣補用知州金沛

田署贛縣補用知縣汪都良准補義甯州知州許鳳瀛

既據該撫臚陳政績均著傳旨嘉獎廣信府通判晏蔚

琦玩視功令顯預糊塗龍南縣知縣沈錫綬權落家丁

操守不謹署清江縣知縣葉培椿信任官親家丁事皆

九十

七月

懈弛試用知縣張宣中行止不謹有玷官箴安遠縣板

石司巡檢袁錫璋擅行簽差釀案私和署大庾縣赤石

司巡檢余蔭桐辦事敷衍鄱陽縣典史姚樹藩疏懶無

能餘干縣典史徐錫麟嗜賭玩公均著即行革職德安

縣知縣柴正衡要案延不解勘監斃多名著開缺撤省

聽候查辦署浮梁縣星子縣知縣劉仁壽禁賭不力著

摘去頂戴撤省察看又片奏禁煙不力之署甯都州補

用知縣王樹森於該州私種煙苗未能禁拔迨委員蒞

勘又不上緊嚴辦著即行革職署永新縣試用知縣盛

時廣先事未能勸禁臨時剷拔幾釀聚衆抗拒之案著

摘去頂戴撤省察看卸署玉山縣試用知縣王慶大禁

拔煙苗不嚴產土較多著摘去頂戴停委三年蓮花廳

同知俞錫祉雖已拔禁惟產苗較多著撤任摘去頂戴

又片奏陸軍混成協馬隊第一營管帶副軍校江澄清

品行不端操守難信應發馬乾含混倒馬甚多二標步

隊第一營管帶縣丞職銜宣象離敷衍顯預紀律懈弛

二標步隊第二營後隊隊官協軍校劉聲震嗜賭儉安
操課懈弛九江城守營守備劉國棟任性妄為均著一
併革職江澄清並著驅逐回籍交地方官嚴加管束不
准投効各省軍營該部知道欽此

六月十九日內閣奉

上諭本日引見陸軍貴胄學堂畢業考列上等之一等男
爵麟鈺著以二等侍衛用宗室世綱著以三等侍衛用
考列中等之恩騎尉尙久恩著以藍翎侍衛用欽此

六月二十日內閣奉

上諭鹿傳霖奏再陳久病情形仍請開去軍機大臣要差
並續假兩個月一摺覽奏情詞懇切實屬出於至誠惟
朝廷倚任老成深資贊助著再賞假兩個月並賞給人
蓑二兩俾資調攝所請開去軍機大臣差使之處仍毋
庸議欽此 同日奉

上諭梁敦彥奏假期屆滿病仍未痊懇請開缺一摺外務
部尙書梁敦彥著准其開缺俾得安心調理一俟病痊

諭旨

即行銷假當差欽此 同日奉

上諭外務部尙書兼會辦大臣著鄒嘉來補授胡惟德著
轉補外務部左侍郎外務部右侍郎著曹汝霖補授劉
玉麟著補授外務部右丞欽此 同日奉

上諭外務部左侍郎胡惟德著充稅務處幫辦大臣欽此
六月二十二日奉

旨加恩御前行走之阿拉善親王塔旺布魯克扎勒著戴
三眼花翎欽此

六月二十四日內閣奉

上諭禮部右參議著端緒署理欽此 同日奉
上諭增韞奏布政使顏鍾璜呈請開缺修墓據情代表一
摺浙江布政使顏鍾璜著准其開缺欽此 同日奉
上諭山西歸綏道員缺著成麟補授欽此

六月二十五日內閣奉

上諭各省舉行新政就地籌款如學堂巡警諸務原以本
地方之財用辦本地方之公益而地方自治即以此為

諭旨

九十二

七月

根基惟一省之中州縣貧富不同風氣亦異全在地方官酌度情形量力辦事察吏司諸督撫責成則在州縣爲牧令者必當勤於理事通達民隱凡涉地方行政添籌捐款應於事前剴切曉諭集耆老子弟告以此事之所以然又善用士紳蒞之以嚴察則疑謗之端自少謠言無自而生卽間有特強抗阻者核其情節擇尤懲治一二人公道旣彰斷無激動衆憤之理蓋牧令得人而地方滋亂者未之有也乃聞不肖州縣平時上下隔絕於行政籌款等事不加體察委之地方紳董紳士之賢者或潔身引避不願與聞或亦熱心公益出力辦事而憑藉官勢不諒與情甚或借端抑勒挾私自肥百姓以爲厲已則怨讟叢生馴至布散謠言釀成事變究其原始僅由一二人之辦理不善而地方官實職其咎試問任用此地方官者督撫安所逃責耶嗣後各省督撫務當督同藩司慎選牧令爲地擇人各道府於所轄州縣聲息相通見聞必確凡州縣官辦事不合卽當據實稟

報倘含糊徇隱則轄境有事一併參處如是則督撫慎選於先責成該管道道府寄以耳目又或密加察訪證諸輿論則於州縣官之賢否亦十得其八九矣豈待參劾於事後以爲卸責之地耶今各督撫勞於行政亟於籌款而恆疏於察吏不知吏治不修則勞民傷財亂端且從此起新政何由而行其各加意於茲斯爲綏靖地方之至計也將此通諭知之欽此 同日奉

上諭浙江布政使著吳引孫補授欽此

六月二十六日內閣奉

上諭朝廷設官分職所重惟廉考諸往古類皆訂有坐贓專律貪人敗類久爲法所不容誠以蠹國病民莫此爲甚也我朝仁厚開基一切務從寬大 欽頒大清律獨受贓一門制刑特重伏讀 列朝 聖訓復於懲戒貪墨迭次加嚴不少寬假仰見 執中定法具有深意存乎其間降及今日人心愈幻作弊愈工寵賂官邪比比皆是或假新政爲名肆行侵蝕或以官缺爲市巧試奸

欺或夤緣薦引藉博高官或營謀開復代陳冤抑似此廉隅之不飭非上虧國帑卽下劫民財儻非峻法相繩後患何堪設想亟宜申明典章頒示中外嗣後著責成各部院堂官各直省督撫加意嚴查遇有貪官污吏及辦理新政或承辦要工人員查有吞款入己等弊務卽羅列款目據實奏參一面追贓一面按律從重治罪至奉旨查辦事件內外大臣於交查案件有關贓款者必須秉公澈究以期水落石出儻有瞻徇寬縱情事一經發覺立予嚴懲並著言路諸臣隨時嚴密訪查詳確糾參請旨辦理總之形端而後表正大法乃能小廉凡自貴戚以下及內外各大臣尤須敦品勵行整躬率屬以祛痼習而正人心自此次申做之後無論內外大小臣工有犯必懲決不姑寬其各懷遵母違用副朝廷激濁揚清實事求是之至意將此通諭知之欽此 同日奉上諭孫寶琦奏考核文武屬員據實舉劾一摺山東兗沂曹濟道吳永前代理登萊青膠道余則達請調濟南府

諭 旨

知府黃曾源署武定府知府方桂芬請補臨清直隸州知州金猷大厯城縣知縣張汝鈞署武城縣本任鉅野縣知縣王延綸署陽信縣知縣倉永培卽署高苑縣本任惠民縣知縣涂紹光署惠民縣知縣廖以仁署蘭山縣本任臨邑縣知縣金榮桂既據該撫廬陳政績著卽傳旨嘉獎候補道蔣文懋統領巡防各營軍心解體任性妄爲不知檢束著革職永不敘用登州府知府文淇勇於任事氣質稍備著開缺另補登州府同知鮑忠瀚舉止輕浮輿論不洽館陶縣知縣陳毓楹辦事粗疏虧空公款章邱縣知縣董燕性情疲軟不堪繁劇博興縣知縣王熾昌才識庸闇難膺民社霑化縣知縣沈桐性情迂拘疏於聽斷署郟城縣知縣韋宗渭任用子弟操守難信署棲霞縣知縣羅襄品行鄙陋物議沸騰候補知縣姚世傑逢迎取巧遇事招搖候補知縣羅培鑾性情卑瑣不知自愛管帶巡防營候補將邱鎮榮浮而不實曠有煩言均著一併革職濮州營守備王光麟署

交旨

桃源營守備候補守備張金元均屬品行卑污嗜好未除前管帶先鋒中營儘先千總康福奎性情貪詐劣跡多端均著革職永不敘用又片奏萊陽縣知縣朱槐之平日紳民互仇不能秉公處置以至結怨日深本年聚衆二次惟知敷衍說和且於曲思文結黨陰謀毫無覺察形同鸞贖海陽縣知縣方奎才本平庸不孚民望於徵收錢糧搭配制錢銅元不知剗切曉諭致激民變均著先行革職並將釀亂情形再行確查據實具奏該部知道欽此 同日奉

上諭河南河北鎮總兵員缺著謝寶勝補授欽此

六月二十七日內閣奉

上諭山東登州府知府員缺著光裕補授欽此

六月二十八日內閣奉

上諭聯魁奏府廳州縣興學考成分別舉劾一摺所有實心興學之新疆焉耆府知府張銑署甯遠縣知縣趙孟盤均著傳旨嘉獎其興學不力之烏什廳同知方鑒候

九十四

七月

補直隸州知州開缺奇臺縣知縣楊方熾前代理皮山縣知縣候補同知劉國福均著即行革職鎮西廳同知袁運鴻著開缺另補餘著照所議辦理該部知道欽此

同日奉

上諭李經羲等奏提督因病懇請開缺據情代奏一摺貴州提督徐印川著准其開缺貴州提督著李寶書補授欽此

六月二十九日內閣奉

上諭貴州安義鎮總兵員缺著沈大鼈補授欽此

交旨

六月初二日軍機大臣欽奉

諭旨貝勒載洵等奏現修崇陵工程情形一摺又奏各段辦法並呈進樣土一片又奏派王憲章充監修官一片均知道了欽此 同日奉

諭旨鹿傳霖奏承修內閣紅本大庫工程完竣請派員驗

收一摺著派世續前往驗收餘依議欽此 同日奉

諭旨湖北布政使王乃徵奏籌備憲政酌分緩急一摺著

在京各衙門各省督撫歸併御史趙炳麟條陳一併詳

議具奏欽此 同日奉

諭旨湖北布政使王乃徵奏現行紙幣及銅圓定價請飭

部核議一片著度支部知道欽此

六月初四日軍機大臣欽奉

諭旨貝子溥倫奏進呈資政院工程總圖並陳明大概情

形一摺著依議圖併發又奏陳明資政院暫借法律學

堂爲議場一摺又奏欽選議員單內承恩公榮泉誤書

榮全奏明更正一片均知道了又奏請頒賞圖書集成

並行取各省官書一片著依議欽此 同日奉

諭旨廂黃旗滿洲都統那彥圖等奏請將八旗兵餉援照

奏定官俸辦法亦照國幣釐定一摺著會議政務處議

奏欽此

六月初五日軍機大臣欽奉

諭旨著派沈林一與原派撰擬講義各員輪班撰擬進呈

欽此 同日奉

諭旨都察院代奏甘肅京官任承允等以已故甘肅布政

使丁體常循聲卓著遺愛在民請宣付國史館立傳並

請於秦州地方建立專祠呈一件丁體常著准其於秦

州地方捐建專祠該部知道欽此 同日奉

諭旨都察院奏據已革河南候補直隸州知州宋敬熙等

呈稱被參冤抑並據河南巡撫咨覆查明不無冤抑各

摺已革河南候補直隸州知州宋敬熙已革署河南商

城縣中牟縣知縣戚渠清均著交吏部帶領引見欽此

同日奉

諭旨民政部奏華僑熱誠愛國忠悃可嘉一摺候選郎中

陸乃翔在南洋各埠創立商會興辦學校現復糾合華

股創辦實業深堪嘉尚陸乃翔著俟辦有成效再行優

予獎勵該部知道欽此

六月初九日軍機大臣欽奉

交 旨

九十五

庚戌

交旨

九十六

七月

諭旨正藍旗滿洲副都統豐深著加恩免其帶領引見欽

此 同日奉

諭旨法部奏本年法官考試請派考試官一摺四川著派

張丕基陳棟堂雲南著派何奏笮蕭之葆貴州著派林

榮朱汝珍甘肅新疆著派李擢英蕭丙炎又奏請派襄

校官一片著派顏紹澤銘廉靳錫蘭培元呂興周何賓

笙萬之一憚福鴻又奏考官襄校各員酌給津貼一片又

奏派赴甘肅考官襄校各員於該省考試畢再行前赴

新疆考試一片均著依議欽此

六月初十日軍機大臣欽奉

諭旨出使日本國大臣郵傳部左侍郎汪大燮著賞給二

等第一寶星欽此

六月十四日軍機大臣欽奉

諭旨汪大燮奏考察英國憲政編輯各書繕具清本呈覽

一摺書留覽該衙門知道欽此 同日奉

諭旨沈家本奉法律學堂附設監獄專修科收支款項截

數開報一摺該部知道單併發欽此 同日奉

諭旨沈家本奉法律學堂附設專修科學員畢業陳明原

案酌擬辦法一摺又奏監獄專修科教習日本法學博

士小河滋次郎等到堂教授期滿請賞寶星一片均著

該部知道欽此 同日奉

諭旨本日引見之已革在任候補直隸州知州前直隸豐

潤縣知縣郭文翥著准其開復原官欽此

六月十六日軍機大臣欽奉

諭旨憲政編查館奏暫留館員勞乃宣緩赴江甯提學使

新任一摺著依議又奏勞乃宣應否迴避江蘇據呈代

奏一片著毋庸迴避欽此

六月十七日軍機大臣欽奉

諭旨本月二十八日 德宗景皇帝聖誕致祭 奉先殿

著派恭親王溥偉恭代行禮 壽皇殿著派員勒載洵

恭代行禮欽此 同日奉

諭旨本月二十八日 德宗景皇帝聖誕著派禮親王世

鑾恭詣 梁格莊 行宮暫安殿敬謹行禮欽此

六月十九日軍機大臣欽奉

諭旨御史石鏡濱奏法令解釋紛歧致適用未能畫一

摺著憲政編查館議奏欽此 同日奉

諭旨本日引見之已革鳳凰城驍騎校純玉著開復原官

欽此 同日奉

諭旨此次軍政補行引見年至六十五歲以上之護軍參

領文元著照舊供職欽此

六月二十四日軍機大臣欽奉

諭旨本日引見之已革河南中牟縣知縣戚渠清已革河

南候補直隸州知州宋敬熙均著開復原官欽此 同

日奉

諭旨本日引見之已革雲南大姚縣知縣謝懷宣已革湖

北試用知縣張映景均著以縣丞用欽此

六月二十六日軍機大臣欽奉

諭旨嗣後進呈講義諸臣輪應進講日期如遇患病均准

交 旨

其具摺請假欽此

六月二十七日軍機大臣欽奉

諭旨總司稽察守衛事宜王大臣阿穆爾靈圭等奏擊頓

守衛官兵一摺著派載澤壽勳會同阿穆爾靈圭載潤

將前鋒護軍暨內務府三旗護軍各營逐一查辦釐定

章程奏明請旨辦理欽此 同日奉

諭旨總司稽察守衛事宜王大臣阿穆爾靈圭等奏加派

稽察章京一片知道了欽此

六月二十八日軍機大臣欽奉

諭旨御史胡思敬奏郵傳部候補丞參添派過多請旨酌

量裁減一摺著郵傳部堂官酌量裁撤嗣後務須核實

辦理勿涉浮濫欽此 同日奉

諭旨陸軍部奏請襲世職一摺何桂珍之曾孫何紹先著

准其承襲雲騎尉世職欽此

六月二十九日軍機大臣欽奉

諭旨憲政編查館法部會議覆內閣侍讀學士延昌奏

九十七

庚戌

內閣驗放單
吏部引見單

舉行法官考試請飭改定規則一摺著依議欽此

內閣驗放單
吏部引見單

六月初五日經內閣奏 派王大臣驗放揀選一等截
取揀選舉人陳元凱蕭德驩梁柏年陳海瀛李樹滋逢
寶琛梁宗榘樊文茲萬鈞顏觀棠周維宗均堪以知縣
用揀選二等截取揀選舉人陳繼虞俞長齡張篤光劉
方熾袁玉麟李本善溫玉如沈奎光劉昭漢孟昭斌馬
文繹程鑒光洪里仁任錦堂王道炳紀有堂張元祥梁
榮恩孫瓊丁世佳郭象蒙趙丙燮趙錫源楊景時徐仁
銓王室藩吳廷傑麥植榮劉蘭芬褚式鑿王謀謀李定
瑩邱蘊生梁蔭貽均堪以直隸州州同鹽庫各大使掣
用截取內閣中書熊璧保舉山東候補知縣李鍾濬林
介鈺均堪以照例用奏留吏部學習主事春毓堪以准
其留部初六日覆奏奉

旨依議欽此

九十八

七月

六月初十日經內閣奏 派王大臣驗放分發直隸試
用同知裕康江蘇試用同知盛邦采貴州試用同知吳
紹鴻四川補用直隸州知州魏家斌廣東補用直隸州
知州張恆湘廣東試用直隸州知州劉義寬河南補用
知州姚振國直隸試用知州汪沂江蘇試用知州周仁
壽安徽試用通判顧元昌秦會釐山東試用通判張文
標山西試用通判沈寶彝湖北試用通判邱元山王廣
颺邢福萃廣東試用通判劉德成潘尙綱直隸補用知
縣方廷瑞安秉禮柴豫芳胡自榮皇甫振清陳斐然楊
永昌董桂萼段慎憲張景官姚玉乾張應麟王葆琳安
徽補用知縣沈祖煌山西補用知縣周鍾英湖北補用
知縣龍燦章湖南補用知縣羅良經福建補用知縣永
寰廣東補用知縣廖潤鴻直隸試用知縣鄭綬章吳壽
會江蘇試用知縣張寶書勞道傳吳遜孺安徽試用知
縣劉文藻陝西試用知縣彭元炳王在湘甘肅試用知
縣賴維祺浙江試用知縣凌其楹江西試用知縣陳謙

湖北試用知縣方世泰張懋祖李寶彝四川試用知縣陸先耀廣西試用知縣何文蔚雲南試用知縣張國源安徽試用直隸州州同宋肇琨直隸試用布庫大使張廷楨長蘆試用鹽大使喬滋懋兩浙試用鹽大使王端廣東試用鹽大使章榮襄雲南試用鹽大使潘琛遠均堪以照例發往截取內閣中書王憲燾保舉湖北候補知縣魯寶清均堪以照例用十一日覆奏奉

旨依議欽此

六月十四日奉

旨廕生麟文著以文職用續珍著以旗員用馬繼祖著外用陳鼎激著外用內閣侍讀學士員缺著恩綸補授內閣中書員缺著恩崇補授擬補內閣中書默德哩鐵麟海榮長福存榮吏部筆帖式崧元擬選 昌西陵工部員外郎寶鴻陝西鳳翔府知府德祐安徽廬州府同知臧著興鑾興衛筆帖式郭隆阿禮部筆帖式緒康俱著准其補授分發直隸試用道王乃成河南試用道周錫

內閣驗放
吏部引見單

綸陝西試用道巢鳳岡甘肅試用道向夔山西補用知府葉鏡提俱著照例發往保舉直隸候補知府楊同高江西候補知府左念慈俱著照例用開復前江西試用知府吳毓庭著准其開復原官照例用欽此

六月二十四日奉

旨廕生桂山著內用張景俊著外用王正鵠著外用滿給事中員缺著英奎補授開復候選道陳政詩著准其開復原官照例用欽此